



KNATTSPYRNUSAMBAND ÍSLANDS

Aðildarfélög KSÍ
b.t. formanna/framkvæmdastjóra

Reykjavík, 30. maí 2017

Breytingar á reglugerð KSÍ um knattspyrnumót

Ágætu félagar,

Á fundi stjórnar KSÍ 24. maí sl. samþykkti stjórn KSÍ breytingar á grein 15.7. í reglugerð KSÍ um knattspyrnumót. Um er að ræða breytingar sem byggja á ályktunartillögu sem lögð var fyrir og samþykkt á 71. ársþingi KSÍ 2017. Breytingar þessar fela í sér auknar heimildir félaga í Pepsi-deild kvenna til að óska eftir breytingum á leikjum sínum.

Eftirfarandi er yfirlit yfir breytingarnar og samantekt:

Reglugerð KSÍ um knattspyrnumót – Ósk um breytingu á leikjum í Pepsi-deild kvenna

15.gr.

Framkvæmd og skipulag leikja

- 15.1. Aðildarfélög KSÍ annast framkvæmd heimaleikja sinna og greiða kostnað vegna þeirra nema mótareglur kveði á um annað. Þá annast aðildarfélög KSÍ framkvæmd þeirra leikja er mótanefnd kann að fela þeim.
- 15.2. Aðildarfélög KSÍ skulu sjálf standa straum af ferða- og upphaldskostnaði í leikjum sínum nema mótareglur kveði á um annað.
- 15.3. Aðildarfélög KSÍ sem sjá um framkvæmd leikja, skulu í einu og öllu fara eftir útgefinni leikjaskrá. Í Pepsi-deild karla, 1. deild karla og aðalkeppni bikarkeppni KSÍ í meistaraflokki karla skal senda mótanefnd skilgrein yfir fjölda áhorfenda, tekjur og gjöld strax að leik loknum og eigi síðar en 8 dögum frá því að leikur fór fram.
- 15.4. Reglugerð KSÍ um aðgönguskírteini kveður á um hverjir hafa ókeypis aðgang að leikjum.
- 15.5. Milli kappleikja hjá sama liði skulu líða minnst 2 heilir dagar, en heimilt er mótanefnd að stytta þennan tíma ef nauðsyn krefur.
- 15.6. Farist kappleikur fyrir eftir ákvörðun dómara eða mótanefndar vegna veðurs, ástands vallar eða annarra óviðráðanlegra orsaka eða leik er hætt áður en fullum leiktíma er náð skal dómari tilgreina ástæður í skýrslu til mótanefndar. Mótanefnd skal að teknu tilliti til aðstæðna ákvarða hvort úrslit skulu standa sé leikur flautaður af áður en fullum leiktíma er náð, leikur skuli leikinn í heild að nýju eða hann leikinn frá þeirri mínútu er dómari flautaði leik af. Miðað skal við að leik sé framhaldið frá þeirri mínútu sem honum var hætt, ef við verður komið og þá skv. forsendum um þátttöku leikmanna sem mótanefnd ákveður. Sé leikaðili í sök skal mótanefnd taka tillit til þess við ákvörðun sína um hvort úrslit skuli standa ef leikur er flautaður af áður en fullum leiktíma er náð, leikur skuli leikinn í heild að nýju eða hann leikinn frá þeirri mínútu er dómari flautaði leik af. Hafi leikur ekki verið flautaður á skal hann fara fram næsta dag sem fær þykir og við verður komið.
- 15.7. Breyting á útgefinni leikjaskrá varðandi leiktíma og leikstað er aðeins heimil að fenginni heimild mótanefndar. Komi félög sér saman um breytingar á leikdegi skal mótanefnd heimilt að samþykkja það. Ef leikaðilar breyta leiktíma og/eða leikstað, án samþykkis mótanefndar, getur hún ógilt leikinn. Mótanefnd er þó heimilt að láta úrslit leiksins standa ef að öðru leyti hefur verið farið eftir reglum KSÍ. Mótanefnd getur hins vegar hagað niðurröðun þannig á

næsta ári, að viðkomandi félög missi einn heimaleik í sömu keppni og sama aldursflokk. Ef lið er svipt einum eða fleiri heimaleikjum skal það gert eftir töfluröð.


Óskir um breytingar á útgefni leikjaskrá skulu berast mótanefnd á þar til gerðu eyðublaði, útgefni af mótanefnd. Sérstakt breytingagjald skal innheimt ef ósk um breytingu á leik berst innan við 7 daga fyrir leikdag. Gjald þetta er kr. 2.000.- í yngri aldursflokkum en kr. 15.000.- í meistaraflokk. Ekki er innheimt gjald ef ósk um breytingu er nauðsynleg vegna verkefna landsliða eða annarra óviðráðanlegra orsaka. Mótanefnd er heimilt að setja nánari reglur um verklag og skulu þær koma fram á eyðublaði nefndarinnar. Félag geta óskað eftir breytingum á leikjum í Pepsi-deild kvenna ef landsleikur yngri landsliða verða til þess að leikmaður eða leikmenn viðkomandi félags geti ekki leikið með félagsliði sínu. Mótanefnd skal verða við ósk um breytingu enda sé hún rökstudd og henni verður viðkomið.

- 15.8. Mótanefnd er heimilt að færa lið niður um riðil/deild í yngri flokkum, berist henni rökstudd ósk um það frá stjórn hlutaðeigandi félags með þátttökutilkynningu.
- 15.9. Ef sæti losnar í riðli/deild í yngri flokkum skal mótanefnd ákveða hvaða félag tekur sætið sem losnar.
- 15.10. Mót á vegum aðildarféлага KSÍ skal tilkynna mótanefnd fyrir 1. mars ár hvert og þau dagsett í samráði við hana.
- 15.11. Heimboð erlendra knattspyrnuflokka svo og utanferðir innlendra flokka skulu vera í samráði við viðkomandi knattspyrnuráð og mótanefnd KSÍ.

Samantekt

Framangreindar breytingar, á grein 15.7., fela í sér að félög í Pepsi-deild kvenna geta nú óskað eftir breytingum á leikjum sínum ef landsleikur yngri landsliða kvenna verða til þess að leikmaður eða leikmenn viðkomandi félags geti ekki leikið með félagsliði sínu. Mótanefnd er heimilt að fara fram á að slík ósk um breytingu á leik í Pepsi-deild kvenna sé rökstudd og er auk þess heimilt að meta hvort breytingu sé viðkomið.

Ef frekari upplýsinga er óskað þá vinsamlegast hafið samband við undirritaðan.



Haukur Hinriksson,
lögfræðingur hjá KSÍ.